



**Broj: 01- 119/15**  
**Vareš, 30.07. 2015. godine**

**Z A P I S N I K**  
**s 28. sjednice Općinskog vijeća Vareš,**  
**održane 03.06. i 16.06. 2015. godine**

Zdravko Marošević – predsjedavajući Općinskog vijeća Vareš, otvorio je 28. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Elvir Rožajac, Jasmin Salketić, Goran Selak i Nikola Šimić.

**Odsutni:** Tarik Kovač i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, zamjenica zajedničkog općinskog pravobranilaštva – gosp. Elma Brčić-Rožajac, direktori i predsjednici organa upravljanja javnih preduzeća i javnih ustanova, predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 27. sjednice OV održane 05.05.2015. godine. Na 27. sjednici OV donesen je jedan (1) Zaključak koji je u toku realizacije. Postavljena su četiri (4) vijećničkih pitanja. Na dva (2) vijećnička pitanja, u toku sjednice dat je usmeni odgovor od strane Općinskog načelnika, na jedno (1) pitanje dostavljen je pismeni odgovor podnosiocu pitanja, na jedno (1) pitanje Stručna služba OV nije dobila pismeni odgovor.

**(Vijećnička pitanja)**

**Đemo Kevrić**

1. Ponovo je postavio pitanje u kojem traži od Službe za prostorno uređenje, urbanizam, privredu i finansije da mu dostave pismeno podatke o kratkoročnim obavezama iz 2014. godine, prema pravnim licima, koje Općina duguje (sa naznakom za što Općina duguje, da se navede firma i šta se od te firme uzimalo)?
2. Ispred građana MZ Striježevo i kao član Savjeta MZ traži da mu se dostavi odgovor dokle se došlo sa radovima na postavljanju javne rasvjete u MZ Striježevo? O postavljenom pitanju dao je pojašnjenje

**Elvir Rožajac**

3. Šta je sa nastavkom izgradnje škole u Ravnama . Moli Općinskog načelnika i nadležne koji mogu uticati na Ministarstvo za nauku, obrazovanje, kulturu i sport ZDK da

urgiraju i da se ubrza nastavak izgradnje škole? O postavljenom pitanju dao je pojašnjenje.

#### **Ismet Abdulahović**

4. Zašto nije bilo obavijesti na obavještenjima za održavanje današnje sjednice OV?
5. Zašto nema u Varešu ni jedne firme-prodavnice u kojoj se može kupiti vreća cimente u zadnjih 20 dana? O postavljenom pitanju dao je pojašnjenje.

#### **Goran Selak**

6. Da li je moguće da Služba za prostorno uređenje, urbanizam, privredu i finansije traži od Ministarstva za prostorno uređenje, promet i komunikacije i zaštitu okoline ZDK ili Kantonalne direkcije za ceste da se izvrši čišćenje posipnog materijala i nanosnog materijala na regionalnom putu R-444?
7. Traži od nadležne Službe organa uprave da uputi dopis Elektrodistribuciji Zenica ili PJ Elektrodistribucija Vareš u kome će tražiti objašnjenje zbog čega dolazi do učestalog nestanka električne energije na području MZ Vareš Majdan? O postavljenom pitanju dao je pojašnjenje.

Općinski načelnik Avdija Kovačević u okviru aktualne problematike na području općine Vareš za današnju sjednicu nije imao obraćanje.

Predsjedavajući OV stavio je na raspravu Zapisnik sa 27. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 27. sjednice OV, te nakon izjašnjavanja vijećnika konstatuje da je **Zapisnik sa 27. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 28. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjavanje prijedlog dnevnog reda za 28. sjednicu, te nakon izjašnjavanja vijećnika konstatuje da je **jednoglasno usvojen s l i j e d e ć i**

#### ***Dnevni red***

1. Prijedlog Odluke o utvrđivanju Metodologije za izradu izvještaja o radu javnih preduzeća i javnih ustanova
  - Izvjestilac: Služba za opću upravu i društvene djelatnosti i Služba za prostorno uređenje, urbanizam, privredu i finansije
2. Prijedlog Odluke o izmjenama Odluke o organizovanju općinskih službi za upravu Općine Vareš i Stručne službe Općinskog vijeća (Prečišćeni tekst)
  - Izvjestilac: Općinski načelnik
3. Izvještaj o radu Zajedničkog općinskog pravobranilaštva općina Vareš i Olovo za 2014. godinu
  - Izvjestilac: Zamjenica zajedničkog općinskog pravobranilaštva
4. Izvještaj o radu i poslovanju JKP d.o.o. Vareš za 2014. godinu
  - Izvjestilac: Direktor i Skupština JP

5. Izvještaj o radu i poslovanju JP „Vareš-stan“ d.o.o. Vareš za 2014. godinu
  - Izvjestilac: Direktor i Skupština JP
6. Izvještaj o radu i poslovanju JP „Veterinarska stanica“ d.o.o. Vareš za 2014. godinu
  - Izvjestilac: Direktor i Skupština JP
  -
7. Izvještaj o radu JU Centar za socijalni rad Vareš za 2014. godinu
  - Izvjestilac: Direktor i Upravni odbor JU
8. Izvještaj o radu JU Opća biblioteka Vareš za 2014. godinu
  - Izvjestilac: Direktor i Upravni odbor JU
9. Izvještaj o radu JPU " Dječiji vrtić " Vareš za 2014. godinu
  - Izvjestilac: Direktor i Upravni odbor JPU
10. Prijedlog Programa mjera štednje Jedinственог опćинског органа управе Опćине Vareš za period 2015-2020. godina.
  - Izvjestilac: Općinski načelnik
11. Tekuća pitanja

#### **Ad. 1.**

*(Prijedlog Odluke o utvrđivanju Metodologije za izradu izvještaja o radu javnih preduzeća i javnih ustanova)*

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Ismet Abdulahović koji je upoznao prisutne da je sjednica Komisije za statutarna pitanja i propise, na kojoj je planirano razmatranje ove tačke dnevnog reda, odgođena iz razloga što dva člana Komisije nisu htjela prisustvovati sjednici jer je u toku bio generalni štrajk u organu uprave. Skrenuo je pažnju predsjedavajućem OV i sekretaru OV da je Vijeće na samom uvodu današnje sjednice trebalo biti upoznato sa istim.

Predsjedavajući OV Zdravko Marošević izjavio je da je na sjednici Kolegija, Kolegij upoznat da nije održana sjednica Komisije za statutarna pitanja i propise zbog neučestvovanja u radu dva člana koji su izabrani u sastav Komisije kao vijećnici, a ne iz organa uprave i da vijećnik nema veze sa štrajkom bez obzira što u nekim slučajevima vrši dvostruku ulogu.

Za riječ se javio vijećnik Ismet Abdulahović i u svom obraćanju sugerisao predsjedavajućem OV da je Vijeće trebalo biti upoznato da nije održana sjednica Komisije za statutarna pitanja i propise i da Komisija nije razmatrala tačku koja je na dnevnom redu današnje sjednice.

U daljnjoj raspravi je učestvovao vijećnik Đemo Kevrić koji je u svom obraćanju predložio da se u Prijedlogu Metodologije za izradu izvještaja o radu javnih preduzeća i javnih ustanova na str. 3. pod rednim brojem 12. uvrsti tačka 12. u kojoj bi bili prikazani planirani i realizovani finansijski pokazatelji za tu godinu u kojoj se podnosi Izvještaj. O predloženom dao je pojašnjenje.

Vijećnik Mario Mirčić iznio je stav i prijedlog Kluba Koalicije HDZ-HSS-NHI da se Vijeće na današnjoj sjednici ne izjašnjava o predloženom materijalu, nego da se materijal uputi javnim preduzećima, odnosno menadžmentima javnih preduzeća i javnih ustanova koje tretiraju ovu oblast i da oni daju određene sugestije ili primjedbe koje bi se uvrstile u dokument, te da se na slijedećoj sjednici, Vijeće izjasni o predloženom dokumentu.

Za riječ se javio vijećnik Đemo Kevrić koji je izjavio da podržava prijedlog vijećnika Marija Mirčić.

Predsjedavajući OV Zdravko Marošević je na osnovu iznesenih stavova Klubova i pojedinih vijećnika predložio i stavio na izjašnjavanje slijedeći

#### **Zaključak:**

- 1. Odgađa se za narednu sjednicu OV izjašnjavanje za tačku „Prijedlog Odluke o utvrđivanju Metodologije za izradu Izvještaja o radu javnih preduzeća i javnih ustanova“. Prijedlog Metodologije uputiti javnim preduzećima i javnim ustanovama kako bi isti mogli dostavili svoje prijedloge i primjedbe. Prijedlog Metodologije za uvrštenim prijedlozima javnih preduzeća, javnih ustanova i vijećnika, pripremiti za narednu sjednicu OV.**

Nakon izjašnjavanja vijećnika predsjedavajući OV konstatuje da **je predloženi Zaključak jednoglasno usvojen.**

#### **Ad.2.**

*(Prijedlog Odluke o izmjenama Odluke o organizovanju  
Općinskih službi za upravu  
Općine Vareš i Stručne službe Općinskog vijeća (Prečišćeni tekst)*

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Ismet Abdulahović koji se zahvalio nadležnim na pripremi ove tačke dnevnog reda.

Nije više bilo učesnika u raspravi i predsjedavajući OV stavio je na izjašnjavanje prijedlog Odluke o izmjenama Odluke o organizovanju Općinskih službi za upravu Općine Vareš i Stručne službe Općinskog vijeća (Prečišćeni tekst).

Nakon izjašnjavanja vijećnika predsjedavajući OV konstatuje da **je jednoglasno usvojena**

***Odluka o izmjenama Odluke o organizovanju Općinskih službi za upravu  
Općine Vareš i Stručne službe Općinskog vijeća (Prečišćeni tekst)***

#### **Ad.3.**

*(Izvještaj o radu Zajedničkog općinskog  
pravobranilaštva općina Vareš i Olovo za 2014. godinu.)*

Zamjenica zajedničkog općinskog pravobranilaštva gosp. Elma Brčić-Rožajac upoznala je prisutne sa tehničkom greškom u tabeli koja se nalazi u prilogu Izvještaja.

Otvorena je rasprava u kojoj je svoje primjedbe, sugestije i pitanja iznio vijećnik Ismet Abdulahović koji je u svom obraćanju skrenuo pažnju da u Izvještaju nema finansijskih podataka-izvještaja, te postavio određena pitanja i zatražio usmeni odgovor na iste od strane zamjenice općinskog pravobranilaštva. (Pitanja se odnose na Ugovor o prodaji Energoinvesta, sredstva od prodaje Energoinvesta za sanaciju brane i kreditna namjenska sredstva u iznosu od 250.000 KM za uplatu doprinosa).

Za riječ se javila zamjenica općinskog pravobranilaštva koja je u svom obraćanju usmeno odgovorila na postavljena pitanja vijećnika Abdulahović Ismeta i naglasila da nije bio u nadležnosti općinskog pravobranilaštva postupak sklapanja navedenog Ugovora, o čemu je dala i pojašnjenje.

Vijećnik Ismet Abdulahović javio se za repliku i iznio mišljenje Kluba BPS u vezi rada pravobranilaštva, te skrenuo pažnju da je dužnost pravobranioaca da štiti imovinu općine Vareš i da zamjenica općinskog pravobranilaštva ima pravo uvida u određene radnje koje se odnose na rad organa uprave za dobrobit lokalne zajednice.

Za riječ se javila zamjenica općinskog pravobranilaštva i iznijela svoje mišljenje na izlaganje vijećnika Abdulahović Ismeta.

Nije više bilo učesnika u raspravi i predsjedavajući OV stavio je na izjašnjavanje Izvještaj o radu Zajedničkog općinskog pravobranilaštva općina Vareš i Olovo za 2014. godinu.

Nakon izjašnjavanja vijećnika predsjedavajući OV konstatuje da je sa **12 glasova „ZA“, 1 glasom „PROTIV“ i 4 „SUZDRŽANA“ glasa usvojen.**

#### ***Izveštaj o radu Zajedničkog općinskog pravobranilaštva općina Vareš i Olovo za 2014. godinu***

Vijećnik Ismet Abdulahović skrenuo je pažnju predsjedavajućem OV na član 83. Poslovnika o radu OV koji se odnosi na glasanje, odnosno na objavljivanje rezultata glasanja.

Pristupilo se ponovnom prebrojavanju glasova, te konstatovano da je 12 vijećnika glasalo „ZA“, 1 vijećnik „PROTIV“ i 4 vijećnika su bila „SUZDRŽANA“.

#### **Ad.4.**

*(Izveštaj o radu i poslovanju JKP d.o.o. Vareš za 2014. godinu.)*

Otvorena je rasprava u kojoj su učestvovali i iznijeli svoje primjedbe, prijedloge, sugestije, mišljenja i postavili pitanja vijećnici: Safeta Muftić, Elvir Rožajac, Mario Mirčić, Boško Andrić, Demo Kevrić, Jasmin Salketić, Goran Selak, Emir Islamović i Ismet Abdulahović.

Predsjedavajući OV je nakon diskusije i izjava vijećnika Ismeta Abdulahović, skrenuo pažnju istom na Etički kodeks.

Vijećnik Ismet Abdulahović ponovo se javio za riječ i zatražio od predsjedavajućeg OV da sjednicu vodi u skladu sa Poslovníkom o radu Općinskog vijeća Vareš.

Predsjedavajući OV Zdravko Marošević je nakon diskusije i uz obrazloženje dao pauzu u trajanju od 10 minuta.

Nakon pauze predsjedavajući OV je prekinuo 28. sjednicu OV uz obrazloženje da na osnovu uvreda na sjednici i u toku pauze nije u stanju i ne želi sjednicu voditi dalje. Kad se steknu uvjeti sjednica će se biti nastavljena.

Sjednica je prekinuta u 17 sati i 25 minuta.

#### **NASTAVAK 28. SJEDNICE OPĆINSKOG VIJEĆA 16.06. 2015. GODINE U 10,00 SATI**

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Mahira Brkić, Tajiba Brkić, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Elvir Rožajac i Nikola Šimić.

**Odsutni:** Asmir Čizmo, Tarik Kovač, Safeta Muftić, Mato Pavić, Jasmin Salketić i Goran Selak.

Pored vijećnika sjednici prisustvuju: općinski načelnik – gosp. Kovačević Avdija, sekretar Općinskog vijeća – gosp. Leon Pavlović, pomoćnik općinskog načelnika gosp. Čedomir Jelić,

direktori i predsjednici organa upravljanja javnih preduzeća i javnih ustanova, predstavnik OSCE gosp. Daut Bajramović, predsjednik Sindikalne organizacije organa uprave općine Vareš gosp. Miralem Musa i predsjednici političkih stranaka.

Predsjedavajući OV podsjetio je prisutne da je 28. sjednica OV od 03.06. 2015. godine prekinuta u toku razmatranja tačke 4. „Izveštaj o radu i poslovanju JKP d.o.o. Vareš za 2014. godinu“.

Prije nastavka rasprave po istoj tački, predsjedavajući OV dao je riječ predsjedniku Sindikalne organizacije gosp. Musa Miralemu da se obrati Vijeću i javnosti.

Gosp. Miralem Musa u svom obraćanju obavijestio je prisutne i javnost da je na sastanku Štrajkačkog odbora održanom 15.06.2015. godine donesena Odluka o zamrzavanju štrajka do daljnjeg, i da organ uprave Općine Vareš radi u punom kapacitetu. Pozvao je općinskog načelnika, Općinsko vijeće i sve zaposlenike organa uprave, da iz sprovedenog štrajka izvuku se određene pouke. Zahvalio građanima na razumijevanju za način na koji su zaposlenici bili prinuđeni tražiti ostvarenje svojih prava.

Nastavljeno je sa raspravom pod tačkom 4. „Izveštaj o radu i poslovanju JKP d.o.o. Vareš za 2014. godinu.

Za riječ se javio vijećnik Đemo Kevrić i zatražio od predsjedavajućeg OV objašnjenje zašto je prekinuta 28.sjednica Vijeća od 03.06.2015. godine. Iznio je mišljenje da je o prekidu i nastavku sjednice trebao dati svoju odluku Kolegij OV.

Predsjedavajući OV citirao je član 74. Poslovnika o radu OV koji se odnosi na ovlasti predsjedavajućeg OV kad je u pitanju prekid i nastavak sjednice. Izjavio je da je sjednica prekinuta jer nije mogao nastaviti sa radom.

Vijećnik Ismet Abdulahović u svojoj diskusiji zatražio je konkretan odgovor od predsjedavajućeg iz kojih razloga nije mogao nastaviti sa radom sjednice. Također je pozvao predstavnika OSCE-a da prisustvuje sjednicama kako bi bio upoznat sa radom Vijeća.

Predsjedavajući OV zamolio je vijećnike da se javljaju za riječ za raspravu pod tačkom 4. dnevnog reda.

U raspravi su iznijeli svoje stavove, primjedbe, prijedloge, mišljenja i uputili određena pitanja direktoru JKP d.o.o. Vareš vijećnici: Kenan Kamenjaš, Mario Mirčić, Tajiba Brkić, Mahira Brkić, Đemo Kevrić i Elvir Rožajac.

Radu sjednice priključio se vijećnik Asmir Čizmo.

U svom obraćanju direktor JKP d.o.o. gosp. Zafer Kamenjaš dao je dodatna pojašnjenja i odgovorio na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Izveštaj o radu i poslovanju JKP d.o.o. Vareš za 2014. godinu.

Nakon izjašnjavanje vijećnika predsjedavajući OV konstatuje da je **jednoglasno (14 glasova „ZA“) prihvaćen**

***Izveštaj o radu i poslovanju  
JKP d.o.o. Vareš za 2014. godinu.***

Predsjedavajući OV je na osnovu iznesenog prijedloga u raspravi vijećnika Maria Mirčić, stavio na izjašnjavanje slijedeći

**Zaključak:**

- **Da stručna služba organa uprave i JKP d.o.o. Vareš razmotre poslovne ideje iznesene u prijedlogu mjera, te da do kraja godine izvijeste Vijeće o mogućnostima realizacije istih.**

Nakon izjašnjavanje vijećnika predsjedavajući OV konstatuje da je sa **12 glasova „ZA“ i 2 „SUZDRŽANA“ glasa usvojen predloženi Zaključak.**

#### **Ad.5.**

*(Izveštaj o radu i poslovanju JP „Vareš-štan“ d.o.o. Vareš za 2014. godinu)*

Otvorena je rasprava u kojoj su iznijeli svoja mišljenja, stavove, prijedloge, primjedbe i postavili pitanja direktorici JP „Vareš-štan“ d.o.o. Vareš vijećnici: Elvir Rožajac, Mario Mirčić, Tajiba Brkić, Ismet Abdulahović, Mahira Brkić, Zdenko Franjić, Đemo Kevrić, Kenan Kamenjaš i Boško Andrić.

Direktorica JP „Vareš-štan“ d.o.o. Vareš gosp. Željka Petrović u svom obraćanju dala je dodatna pojašnjenja za ovu tačku dnevnog reda i odgovorila na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjanje Izveštaj o radu i poslovanju JP „Vareš-štan“ d.o.o. Vareš.

Nakon izjašnjanja vijećnika predsjedavajući OV konstatuje da je sa **13 glasova „ZA“ i 1 glasom „PROTIV“ prihvaćen**

***Izveštaj o radu i poslovanju  
JP „Vareš-štan“ d.o.o. Vareš za 2014. godinu.***

#### **Ad.6.**

*(Izveštaj o radu i poslovanju JP „Veterinarska stanica“ d.o.o. Vareš za 2014. godinu.)*

Otvorena je rasprava u kojoj su učestvovali vijećnici Elvir Rožajac i Đemo Kevrić .

Direktor JP Veterinarska stanica d.o.o. Vareš u svom obraćanju dao je dodatna pojašnjenja za ovu tačku dnevnog reda i odgovore na osnovu diskusije i postavljenih pitanja vijećnika u raspravi.

Zaključena je rasprava i predsjedavajući OV stavio je na izjašnjanje Izveštaj o radu i poslovanju JP „Veterinarska stanica“ d.o.o. Vareš za 2014. godinu.

Nakon izjašnjanja vijećnika predsjedavajući OV konstatuje da je **jednoglasno (14 glasova „ZA“) prihvaćen**

***Izveštaj o radu i poslovanju  
JP „Veterinarska stanica“ d.o.o. Vareš za 2014. godinu.***

Zamjenica predsjedavajućeg OV gosp. Mahira Brkić nastavila je vođenje današnje sjednice.

#### **Ad.7.**

*(Izveštaj o radu JU Centar za socijalni rad Vareš za 2014. godinu. )*

Otvorena je rasprava u kojoj su učestvovali vijećnik Elvir Rožajac i Đemo Kevrić koji su iznijeli svoje mišljenje i postavili pitanja direktorici JU Centar za socijalni rad Vareš.

Predsjedavajući OV gosp. Zdravko Marošević nastavio je sa vođenjem današnje sjednice.

U daljnjoj raspravi su učestvovali vijećnici: Mario Mirčić, Mahira Brkić, Elvir Rožajac i Mario Mirčić.

Direktorica JU Centar za socijalni rad Vareš gosp. Nihada Gondžo u svom obraćanju dala je dodatna pojašnjenja za ovu tačku dnevnog reda i odgovorila na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjanje Izveštaj o radu JU Centar za socijalni rad Vareš za 2014. godinu.

Nakon izjašnjavanja vijećnika predsjedavajući OV konstatuje da sa **12 glasova „ZA“ i 2 „SUZDRŽANA“ glasa prihvaćen**

*Izveštaj o radu JU Centar za socijalni rad Vareš za 2014. godinu.*

**Ad.8.**

*(Izveštaj o radu JU Opća biblioteka Vareš za 2014. godinu. )*

Otvorena je rasprava u kojoj je vijećnica Mahira iznijela mišljenje i postavila određena pitanja direktorici JU Opća biblioteka Vareš.

Direktorica JU Opća biblioteka Vareš gosp. Jasmina Šijak u svom obraćanju dala je dodatno pojašnjenje u vezi izrade Izveštaja o radu i odgovorila na postavljena pitanja vijećnice u raspravi.

Zaključena je rasprava i predsjedavajući OV stavio je na izjašnjavanje Izveštaj o radu JU Opća biblioteka Vareš za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno (14 glasova „ZA“) prihvaćen**

*Izveštaj o radu JU Opća biblioteka Vareš za 2014. godinu.*

**Ad.9.**

*(Izveštaj o radu JPU „Dječiji vrtić“ Vareš za 2014. godinu. )*

Otvorena je rasprava u kojoj su iznijeli svoja mišljenja, prijedloge, sugestije i postavili pitanja vijećnici: Elvir Rožajac, Mahira Brkić, Mario Mirčić i Đemo Kevrić.

Direktorica JPU „Dječiji vrtić“ Vareš gosp. Darija Kuhar u svom obraćanju dala je dodatna pojašnjenja i odgovorila na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Izveštaj o radu JPU „Dječiji vrtić“ Vareš za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno (14 glasova „ZA“) prihvaćen**

*Izveštaj o radu JPU „Dječiji vrtić“ Vareš za 2014. godinu.*

**Ad.10.**

*(Prijedlog Programa mjera štednje Jedinstvenog općinskog organa uprave Općine Vareš za period 2015-2020. godina. )*

Otvorena je rasprava u kojoj su iznijeli svoje primjedbe, prijedloge, mišljenja i postavili pitanja vijećnici: Mario Mirčić, Mahira Brkić, Elvir Rožajac i Đemo Kevrić.

U svom obraćanju vijećnik Mario Mirčić ispred Kluba Hrvatske koalicije predložio je - ako će Vijeće usvajati ponudeni Program, da bude usvojen za 2015. godinu, a da Vijeće dobije na razmatranje jedan Nacrt Programa mjera koji bi tretirao period od 2016-2020. godine, ili u krajnjem slučaju da se Vijeće ne izjašnjava po ovoj tački dnevnog reda, o čemu je dao pojašnjenje.

U daljnjoj raspravi su učestvovali vijećnici: Kenan Kamenjaš, Zdenko Franjić i Ismet Abdulahović.

Predsjedavajući OV pozvao je ovlaštenog predlagачa da se izjasni o predloženom prijedlogu.



Ovlašteni predlagač općinski načelnik Kovačević Avdija u svom obraćanju izjavio je da ne prihvata predloženi prijedlog i zatražio je da se Vijeće izjasni o ponuđenom Prijedlogu mjera štednje.

Predsjedavajući OV stavio je na izjašnjavaње Prijedlog mjera štednje Jedinštenog općinskog organa uprave Općine Vareš za period 2015-2020. godina.

Nakon izjašnjavaња vijećnika predsjedavajući OV konstatuje da **sa 8 glasova „ZA“, 4 glasa „PROTIV“ i 2 „SUZDRŽANA“ glasa nije usvojen**

***Prijedlog Programa mjera štednje Jedinštenog općinskog organa  
uprave Općine Vareš za period 2015-2020. godina***

**Ad.11.**

*(Tekuća pitanja.)*

1. Predsjedavajući OV upoznao je prisutne da je Kolegij OV upoznat sa dopisom gosp. Miroslava Franjković od 004.05.2015. godine u vezi zamjene zemljišta u MZ Vijaka i da je dopis dostavljen nadležnoj Službi na razmatranje i očitovanje po istom. Upoznao prisutne da je LD „Zvijezda“ Vareš Sekcija Dabravine dostavila Vijeću Zahtjev za pružanje pomoći u razgraničavanju revira između sekcije Dabravine i Ravne. Predsjedavajući OV je konstatovao da problematika navedena u Zahtjevu nije u nadležnosti Vijeća, ali da Vijeće može dati pravnu pouku u vezi procedure rješavanja problema. Također je upoznao prisutne sa Zahtjevom gosp. Kate Lovrenović koji je prosljeđen nadležnoj Službi za upravu i komunalno-građevinskom inspektoratu na razmatranje i očitovanje.
2. Predsjedavajući OV upoznao je prisutne i skrenuo pažnju načelniku o primjedbama građana MZ Vijaka u vezi pružanja zdravstvene zaštite. Zamolio je Općinskog načelnika da se pismeno obrati JU Dom zdravlja Vareš i iznađe mogućnost rješavanja navedenog problema.
3. Predsjedavajući OV je na osnovu obraćanja određenog broja građana sugerisao općinskom načelniku da iznađe mogućnost postavljanja-zamijene pijeska na dječijem igralištu u gradu, o čemu je dao i pojašnjenje.
4. Vijećnik Kenan Kamenjaš je ispred građana i roditelja MZ Dabravine kao i direktora Osnovne škole upoznao prisutne sa problematikom područne škole u Dabravinama i zatražio od Vijeća da uputi resornom ministarstvu i direktorici obrazovanja dopis u kojem daje podršku da područna škola (devetogodišnje obrazovanje) u Dabravinama ostane i dalje u sastavu OŠ „Vareš Majdan“. O iznesenom dao je pojašnjenje.

Vijećnici Elvir Rožajac, Tajiba Brkić i Boško Andrić uzeli su učešće u raspravi po pitanju pružanja zdravstvene zaštite.

5. Zamjenica predsjedavajućeg OV Mahira Brkić uputila je sugestiju u vezi problematike parking prostora u ul. Zvijezda E-2 i zbog nezadovoljstva stanara zgrade E-2 apelira da se tim stanarima omogući bar privremeno da mogu parkirati vozila ispred zgrade. O iznesenom je dala pojašnjenje.  
Predsjedavajući OV podsjetio je prisutne da je na prošlim sjednicama Vijeća zaključeno da se prilikom izrade prijedloga Odluke o utvrđivanju parking prostora za motorna vozila, studiozno pristupi rješavanju problema u vezi parking prostora svih građana na općini Vareš.  
U raspravi su učestvovali i iznijeli svoje mišljenje i prijedloge vijećnici Elvir Rožajac i Mario Mirčić.
6. Vijećnik Mario Mirčić podsjetio je prisutne na pitanja koja je postavljao na prošlim sjednicama Vijeća i ponovo ih prezentirao kao inicijative:

- Uspostava naplatnog mjesta BH Telecoma (25. sjednica OV)
- Informacija o javnom prijevozu (26. sjednica OV)
- Sanacija dijela „Kapije“ – predložio je da Vijeće uputi jedan zahtjev nadležnom kantonalnom ministarstvu u vezi sanacije dijela puta na „Kapiji“ ( 70 m asfalta)
- Usaglašavanje međusobnih dugovanja i potraživanja između Općine Vareš i TRD Vareš – nismo dobili Informaciju
- Šta je sa provedbom Rješenja (Prkić Zlatko)
- Uspostava JP ŠPD općina Vareš i Olovo.

Predsjedavajući OV je na osnovu izlaganja vijećnika Kenana Kamenjaš konstatovao da jednoglasno:

- **Općinsko Vijeće daje podršku na mišljenje i stav direktora Osnovne škole „Vareš Majdan“ da područna škola (devetogodišnje obrazovanje) u MZ Dabravine ostane i dalje u sastavu OŠ „Vareš Majdan“.**

Predsjedavajući OV je konstatovao da je :

- **Vijeće saglasno da predsjedavajući OV i Općinski načelnik upoznaju direktora JU Dom zdravlja Vareš o primjedbama i problemima građana MZ Vijaka u vezi pružanja zdravstvene zaštite i pokušaju riješiti probleme.**

Predsjedavajući OV je u svoje lično ime i u ime Vijeća zaželio svim vjernicima islamske vjeroispovijedi da mjesec Ramazana i Ramazanski Bajram provedu i dočekaju u zdravlju i dobrom raspoloženju.

Sastavni dio ovog Zapisnika je audio zapis sjednice.

Sjednica je završena u 13,50 sati.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVALJUĆI***

**Zdravko Marošević**